

## RESOLUCIÓN DO 8 DE OUTUBRO DE 2018 DA XERENCIA DE XESTIÓN INTEGRADA DA CORUÑA POLA QUE SE CONVOCA PROCEDIMENTO DE MOBILIDADE INTERNA VOLUNTARIA DO PERSOAL FIXO DAS CATEGORÍAS DE SANITARIO DIPLOMADO, SANITARIO DE FORMACIÓN PROFESIONAL E DE XESTIÓN E SERVIZOS NO ÁMBITO DO COMPLEXO HOSPITALARIO UNIVERSITARIO A CORUÑA

### Exposición de motivos

A Disposición adicional quinta do Decreto 206/2005, de 22 de xullo, de provisión de prazas de persoal estatutario do Servizo Galego de Saúde establece que “con independencia das súas facultades de ordenación de persoal, os órganos directivos das institucións sanitarias, baixo o principio de planificación eficiente das necesidades, procurarán que a localización do persoal dentro da institución sanitaria responda a criterios de obxectividade, igualdade e voluntariedade. Para estes efectos, habilitarán periodicamente procedementos de traslados internos, con suxeición a baremo, entre postos de traballo da mesma categoría, que contén coa participación das organizacións sindicais. No seo da mesa sectorial negociaranse as bases dos citados procedementos e dos baremos aplicables, nos cales se primará a valoración da antigüidade no Sistema Nacional de Saúde, a permanencia na institución, a experiencia profesional nas áreas específicas, a formación continuada e a docencia”.

Con data 23 de Decembro de 2009 asínase acta de aprobación das bases do procedemento de traslados internos, dentro das institucións sanitarias de atención especializada do Servizo Galego de Saúde, do persoal estatutario fixo correspondente ás categorías de persoal sanitario diplomado, sanitario de formación profesional e de xestión e servizos, onde se establece que “a convocatoria de cada proceso de mobilidade interna será negociada na respectiva comisión de centro ou xunta de persoal de área” engadindo que “a convocatoria contará, como mínimo, dunhas bases, a relación de todos os postos que se poden solicitar en cada categoría profesional e o modelo normalizado de solicitude”.

Asináronse acordos coas Centrais Sindicais con presenza no Complexo Hospitalario Universitario A Coruña nos anos 2010, 2012 e 2015.

Esta Xerencia de Xestión Integrada da Coruña, en virtude das competencias atribuídas polo Decreto 43/2013 do 21 de febreiro (DOG nº 47, do 7 de marzo), polo que se establece a estrutura orgánica do Servizo Galego de Saúde e Orde do 5 de xullo de 2012 (DOG nº 139, do 20 de xullo), sobre delegación de competencias en órganos centrais e periféricos do Servizo Galego de Saúde, acorda convocar CONCURSO MOBILIDADE INTERNA entre Unidades/Servizos do Complexo Hospitalario Universitario A Coruña con suxeición as bases asinadas o día 13 de setembro de 2018 entre a Xerencia de xestión integrada da Coruña e as centrais

sindicais CC.OO., CESM-O´MEGA, CIG, CSIF, USAE E UXT, que constan como anexo I desta Resolución.

## PRIMEIRO .- NORMAS XERAIS

Convocase mobilidade interna para o persoal estatutario fixo correspondente ás categorías de persoal sanitario (diplomado e de formación profesional) e de xestión e servizos (persoal de formación profesional ou de titulación equivalente ou inferior).

## SEGUNDO .- ÁMBITO DE APLICACIÓN

Poderá acceder ao procedemento de mobilidade interna regulado consonte as bases asinadas o 13 de setembro de 2018, nos termos e condicións previstos nelas, o persoal estatutario fixo correspondente ás categorías de persoal sanitario (diplomado e de formación profesional) e de xestión e servizos (persoal de formación profesional ou de titulación equivalente ou inferior) para a adxudicación dos destinos solicitados voluntariamente nas prazas básica polo persoal fixo que teña acadado o seu destino (con praza en propiedade) no Complexo Hospitalario Universitario A Coruña e se atope en situación de servizo activo ou con reserva de praza e ostente a categoría requirida para o desempeño do posto que se convoca e ao que se opta.

## TERCEIRA .- SOLICITUDES E ACREDITACIÓN DE MÉRITOS

### 1. SOLICITUDE

As solicitudes para participar no presente procedemento axustaranse necesariamente ao formulario electrónico existente ao efecto na Oficina Virtual do Profesional ( FIDES) e tras a súa impresión en formato papel, será requisito imprescindible formalizar o rexistro administrativo mediante a súa presentación por duplicado, dentro do correspondente prazo, preferentemente no rexistro do CHUAC ( planta semisoto do Hotel de Pacientes do Hospital A Coruña) ou, segundo o establecido na Lei 39/2015, do 1 de outubro do Procedemento Administrativo Común das Administracións Públicas.

Non se admitirán as solicitudes que conteñan algunha emenda, marca ou riscadura no formulario de participación así como en calquera dos documentos acreditativos do cumprimento dos requisitos de participación.

### 2. ACCESO A FIDES

O acceso a FIDES, desde a intranet do Servizo Galego de Saúde, realizarase mediante o código de usuario e contrasinal que os/as profesionais en activo xa teñen asignado e utilizan habitualmente para acceder ao resto de funcionalidades do sistema.

### 3. EXCLUSIÓNS

Serán excluídas as persoas aspirantes que non cubran todos os apartados da instancia ou o fagan de xeito erróneo ou ambiguo, podendo dar lugar a diversas interpretacións.

### 4. PRAZO DE PRESENTACIÓN de solicitudes e inclusión de méritos

O prazo de presentación de solicitudes será de 15 días naturais a partir da publicación do anuncio da convocatoria no DOG segundo o seguinte calendario:

Persoal de xestión e servizos: Grupo auxiliar da función administrativa, Cocifeiros, Pinches, Celadores e Agrupacións profesionais	15 días naturais desde o día seguinte á publicación
Persoal sanitario de formación profesional: TEAP, TEL, TER, TCAE	15 días naturais a contar desde o día seguinte ao remate do prazo correspondente ás categorías de xestión e servizos
Persoal sanitario diplomado: DUE, Matrona, Fisioterapeuta e Logopeda	15 días naturais a contar desde o día seguinte ao remate do prazo correspondente ás categorías de persoal sanitario de formación profesional

Os méritos valoraranse con referencia ao día inmediatamente anterior, inclusive, ao da publicación da presente convocatoria no Diario Oficial de Galicia.

Tales méritos deberán estar debidamente rexistrados no sistema informático Expedient-e e acreditados documentalmete pola persoa interesada na data límite de finalización do prazo de presentación de solicitudes seguindo o procedemento descrito no Anexo II das bases. Non será obxecto de valoración neste procedemento de mobilidade interna voluntaria ningún mérito inserido no sistema informático e/ou acreditado polos participantes con posterioridade ao remate do prazo de presentación de instancias.

Contra a presente resolución, que non esgota a vía administrativa, poderá interpoñer recurso de alzada, ante a Dirección Xeral de Recursos Humanos do Servizo Galego de Saúde no prazo dun mes a partir do día seguinte á notificación, nos termos previstos nos artigos 121 e seguintes da Lei 39/2015, do 1 de outubro do Procedemento Administrativo Común das Administracións Públicas.

A Coruña, 8 de outubro de 2018



SERVIZO GALEGO de SAÚDE | Xerencia de Xestión Integrada  
A Coruña  
**XERENCIA**

O Xerente de Xestión Integrada

Asdo.: Luis Verde Remeseiro